

Ed.

271. Frumvarp

til laga um breyting á lögum um þingskóp handa Alþingi nr. 45, 10. nóv. 1905

(Eftir 3. umr. í Nd.).

1. gr.

Aftan við 1. gr. bætist ný málsgrein svolátandi :

Umræður á þingsetningarfundunum fara fram eftir fyrirmælum 36. og 40. gr.

2. gr.

1. setning 2. málsgr. 2. gr. orðist svo :

Rjett kjörinn forseti er sá, er hefir meira en helming greiddra atkvæða, þeirra er á fundi eru.

3. gr.

5. gr. orðist svo :

Eftir kosningar, þær sem talað er um i 2. og 3. gr., skal kjósa 8 alþingismenn kjördæmakoðna, til efri deildar, eftir reglunum um nefndarkosningar.

4. gr.

8. gr. orðist svo :

Ef sæti kjördæmakoðnains þingmanns í efri deild losnar á kjörtímbilinu, skal fara eftir ákvæðum stjórnarskipunarlöganna.

5. gr.

Í stað síðari málsgreinar 10. greinar komi :

Forsetar beggja deildanna standa í sameiningu fyrir reikningum Alþingis, meðan þing stendur, en lengur ekki. Ávisa þeir þá báðir saman fje í allar greiðslur þingsins. Þó getur forseti hrorrar deildar ávísad þingmönnum í henni fje því, er þeir eiga að fá í daglaun og endurgjald fyrir ferðakostnað.

Að þinglausnum ber forsetum beggja deildanna að skila fjármálaskrifstofu stjórnarráðsins reikningum þingsins, og skulu reikningarnir vera þá svo færðir, að sjéð verði, hver alþingiskostnaðurinn sje. Milli þinga annast stjórnarráðið reikningsfærsluna og greiðslur á öllum ógreiddum alþingiskostnaði, þar á meðal prentunarkostnaði, borgun fyrir ritstjórn og prófarkalestur Alþingistiðindanna, greiðslu á viðhaldskostnaði á húsi og munum, og því öðru, er með þarf.

Forsetar beggja deildanna ráða útsólmann Alþingistiðindanna og gera ráðstófun um útsendingu þeirra. Þeir hafa umsjón með Alþingishúsinu, munum Alþingis og þinghúsgarðinum, jafnt milli þinga sem um þingtímann, og sjá um, að alt sje í lagi í þinghúsinu, þegar þing kemur saman (við þingsetning).

Forsetar ráða mann til að annast upplag Alþingistiðindanna, skjalasafn þingsins og bókasafn, nema þeir geri það sjálfir. Þeir ráða og starfsmenn þingsins og semja um laun þeirra.

Forsetar hafa umsjón með prentun Alþingistiðindanna, og ráða mann eða menn til þess að annast ritstjórn þeirra og prófarkalestur, nema þeir vilji

sjálfir gera það. Aldrei má borga meira en 8 krónur fyrir ritsjórn og prófarkalestur hverrar prentaðrar arkar þingtíðindanna, og ekki meira en 50 kr. fyrir samningu og prófarkalestur hverrar prentaðrar arkar efnisyflrlits.

6. gr.

Aftan við 12. gr. bætist:

Á milliþingaforsetum hvíla allar sömu skyldur sem á aðalforsetum, er þeir gegna forsetastörfum milli þinga, enda njóta þá hvorirtveggja sömu rjettinda.

7. gr.

Í 16. gr. 1. setningu verði setningin: »og telst auður seðill greitt atkvæði« og að eins hjér telst auður seðill greitt atkvæði.

8. gr.

Á eftir orðunum »meðal þingmanna« í annari málsgrein í 17. gr. bætist inn:

á fundi.

9. gr.

Á eftir orðunum »það prentað og því útbýtt« í fyrri málsgrein 24. gr. bætist inn:

meðal þingmanna á fundi.

10. gr.

Á eftir orðunum »og skal þá prenta hana og útbýta« í fyrstu málsgrein 29. gr. bætist inn:

meðal þingmanna á fundi.

11. gr.

Í stað orðanna »og forseti skýra frá henni á fundi« í fyrri málsgrein 31. gr. komi:

meðal þingmanna á fundi jafnframt því, að forseti skýrir þá frá henni.

Síðasta setning 2. málsgr. 31. gr. falli burt.

12. gr.

Aftan við seinni málsgrein 34. gr. bætist:

Fer um mál þau, sem vikið er frá umræðum með rökstuddri dagskrá svo sem um fallin frumvörp (sbr. 27. gr.).

13. gr.

Orðin »Eftir ákvæðum — — — þingsetningarfundum« í niðurlagi 40. gr. falli burt.

14. gr.

Aftan við fyrstu málsgrein 41. gr. bætist:

áður en fundi sje slitið.

Í stað »dagskránni« í upphafi annarar málsgreinar sõmu greinar komi: dagskrá þeirri, er forseti hefir ákveðið.

15. gr.

42. gr. 1. málsgrein orðist svo:

Ávalt þarf meiri hluta atkvæða, þeirra er á fundi eru, til þess að þingdeild geti ráðið máli til lykta, enda sje meira en helmingur þingmanna á fundi og greiði atkvæði (11. gr. stjórnarskipunarlaga 3. okt. 1903).

16. gr.

Aftan við 43. gr. bætist:

þó þarf ekki að koma fram með þá uppástungu fyr en á þeim fundi, er atkvæðagreiðslan á að fara fram.

17. gr.

Aftan við 49. gr. bætist ný málsgrein:

Í Alþingistiðindunum má ekkert undanfella, það er þar á að standa og fram hefir komið í þinginu og gjörðabækur þingsins og handrit af umræðum í þinginu bera með sjer. Engar breytingar má gera á hvorugu þessu, nema leiðrjetta þurfi auðsæjar og sannanlegar villur. Engu má bæta inn í Alþingistiðindin, hvort sem það varðar menn eða málefni, nema þess sje óhjákvæmileg þörf eða í því felist sjálfsögð leiðrjetting.

18. gr.

Þá er lög þessi hafa öðlast konungs staðfestingu, skal fella þau inn í texta laga um þingskóp handa Alþingi nr. 45, 10. nóv. 1905, og getur konungur þá gefið þau lög út þannig breytit.

19. gr.

Lög þessi koma í gildi þegar, er þau hafa öðlast staðfestingu.